



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: 01-\_\_\_\_\_/13  
Datum: \_\_\_\_2015. godine

**PRIJEDLOG**

Na osnovu člana 13. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj: 22/06 i 22/09), člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na svojoj \_\_\_\_sjednici održanoj dana \_\_\_\_2015. godine donosi

**O D L U K U**  
**o dopuni Odluke o općinskim administrativnim taksama i naknadama**

**Član 1.**

Ovom Odlukom vrši se dopuna Odluke o općinskim administrativnim taksama i naknadama ("Službeni glasnik Općine Tešanj" broj 1/14) u članu 10. stav 2. mijenja se i glasi: "Slučajevi oslobađanja od plaćanja taksu ne odnose se na oslobađanja od plaćanja naknada, izuzev naknade obuhvaćene tarifnikom broj 3. redni broj 8. za korisnike redovne socijalne pomoći Centra za socijalni rad na osnovu rješenja ili odgovarajuće potvrde Centra.

**Član 2.**

U Tarifniku općinskih administrativnih taksu i naknada u tarifniku broj 3 iza tačke 5. dodaju se nove tačke 6. i 7. koje glase:

6	Zahtjev za izdavanje uvjerenja o kućnom broju	3 KM
	NAKNADA	
7	Naknada za izradu i postavljanje kućnog broja	15 KM

**Član 3.**

Ova odluka se primjenjuje narednog dana od dana objavljivanja u "Službenom glasniku Općine Tešanj".

**PREDSJEDAVAJUĆI VIJEĆA**

**Senad N. Subašić, dipl. ekonomista**

**OBRAZLOŽENJE**

## PRAVNI OSNOV

- član 13. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj: 22/06 i 22/09),
- član 13. Zakona o principima lokalne samouprave u Federaciji Bosne i Hercegovine ("Službene novine Federacije BiH" broj 49/06) i
- člana 14. Statuta Općine Tešanj ("Službeni glasnik Općine Tešanj" broj 11/07)

## RAZLOZI ZA DONOŠENJE

Uspostavi adresnog registra za teritoriju općine Tešanj predhodilo je niz aktivnosti čime su prvo stvoreni određeni uslovi za implementaciju projekta adresnog registra. Naime pošto se ovaj registar vodi po već utvrđenim obuhvatima ulica, odnosno naseljenih mjesta donesene su Odluke o nazivima i označavanju ulica, trgova i označavanju objekata brojevima i Odluka o izmjeni i dopuni Odluke o utvrđivanju opisa granica naseljenih mjesta na području općine Tešanj. U fazi izrade je i Pravilnik o adresnom registru, a paralelno sa njegovom izradom radilo se na iznalaženju mogućnosti izrade adekvatnih tabli i pločica u kontaktu sa domaćim firmama kako bi se izvršio najbolji i najekonomičniji odabir materijala i vrste štampe, te obezbijedila najisplativija i najlakša kasnija popuna tablama i pločicama prilikom održavanja. Naplata troškova izrade i postavljanja te izdavanje uvjerenja zahtijeva i izmjenu Odluke o administrativnim taksama i naknadama nakon čega bi se ostvarili svi preduslovi za donošenje Pravilnika te pokretanje postupka Javne nabavke, odnosno, izbor najpovoljnijeg ponuđača za izradu tabli i pločica, nakon čije izrade bi se izvršilo postavljanje i izdavanje rješenja o kućnom broju. Predviđeno je oslobađanje samo korisnika redovne socijalne pomoći Centra za socijalni rad.

### Dostavljeno:

1. Općinsko vijeće
2. Arhiva

**OBRADIVAČ**  
Služba za boračko-invalidsku  
zaštitu i opću upravu

**PREDLAGAČ**  
OPĆINSKI NAČELNIK

**Sabahudin Omerbašić, profesor**

**mr.sci. Suad Huskić, profesor**

**Broj: 02-02-1-2669-6/13**  
**Datum: 13.7.2015. godine**